

Ministerie van Binnenlandse Zaken en
Koninkrijksrelaties

> Retouradres Postbus 20011 2500 EA Den Haag

Na Voorzitter di Tweede Kamer
di Staten-Generaal
Postbus 20018
2500 EA DEN HAAG

**Ministerio di Asunto
Interior y Relacion di Reino**
DGOBDR
Democratie

Turfmarkt 147
Den Haag
Postbus 20011
2500 EA Den Haag

Kenmerk
2024-0000001317

Bo kenmerk

Anexo
0

Fecha 15 februari '24
Ref. Carta di Kamerbrief Geografische Balans m.b.t de
Subsidieregeling en de Beleidsintensivering en
Slavernijverleden.

Cu e carta aki nos ta informa bo Parlamento tocante e proposicion pa desaroyo adicional di un reparticion geografico entre e parti Caribense di Reino; Aruba, Boneiro, Curaçao, Saba, Sint Eustatius, Sint Maarten, Hulanda Europeo y Surinam, relaciona cu e Reglamento pa Iniciativa Social y Intensificacion di Maneho di reaccion di Gabinete riba e rapport "*Ketenen van het Verleden*" (Cadena di Pasado)¹.

Gabinete ta considera importante, manera a indica anteriormente, cu e asignacion di e medionan ta wordo determina den coordinacion cu e comunidadnan di descendencia y otro involvi den Hulanda Europeo, parti Caribense di Reino y Suriname. Pa por yega na un desaroyo concreto, ta importante pa Gabinete crea un cuadro financiero cla. Gabinete a propone un reparticion geografico di e medionan pa e Reglamento pa Iniciativa Social y Intensificacion di Maneho entre e parti Caribense di Reino, Hulanda y Suriname, manera tambe anuncia den e *voortgangsbrief* di 23 di juni ultimo. E reglamento aki ta wordo splica mas abou.

Reparticion Geografico pa Areglo pa Iniciativa Social:

Pa e Reglamento pa Iniciativa Social tin un total di €100 milyon disponibel pa cual Gabinete ta propone un reparticion geografico di 1/3 pa e parti Caribense di Reino, 1/3 pa Hulanda (Europeo) y 1/3 pa Suriname. Esaki ta bini na €33 milyon pa territorio. Ta importante pa e medionan ta facilmente accesibel pa e ricibido intenciona, pa sigura inclusividad den uzo di e fondo, mientras ta supervisa tambe eficacia y legalidad di e gastonan di e medionan.

¹ [Slavernijverleden | Tweede Kamer der Staten-Generaal](#)

Reparticion Geografico pa Intensificacion di Maneho:

Na momento di desaroya intensificacion di maneho, nos ta mira cu manera di traha y tempo den e parti Caribense di Reino ta pidi pa claridad riba e fondonan financiero. Pa e motibo aki, ta sugeri pa reserva maximalmente €33 miyon pa e parti Caribense di Reino y a base di esaki desaroya un pakete di medida. For di e €33 miyon aki, lo paga en todo caso e *toezeggingnan* di e reaccion di gabinete di 19 di december 2022 pa e parti Caribense di Reino, y e *toezeggingnan* den e asina yama cartanan di isla di 19 di december 2022.

E prome ideanan tocante reparticion pa cada isla y posibel medida di e €33 miyon reserva a wordo discuti durante e sesionnan durante Catshuis na Sint Maarten, riba 1 y 2 di october ultimo, y nan lo wordo desaroya mas leu den e periodo venidero. Descendencia, organizacion social y gobierno di cada pais y isla ta tene e timon aki y nan ta determina e tempo. Unda posibel y deseabel, nan ta busca cooperacion entre pais y isla. Ministerio di BZK y OCW tin un rol di sosten y facilitacion den esaki.

Pa Hulanda y Surnam tambe ta conta como punto di salida un reparticion di 1/3 pa Hulanda y 1/3 pa Surnam, for di e total di 100 miyon disponibel. Hunto cu descendencia y otronan involvi, autoridad concerni ta yega na un concretisacion mas leu di e plannan, cu mester entrega pa 1 di juli 2025.

Gabinete ta stipula cu relaciona cu intensificacion di maneho, medida, mester tin un coneccion directo cu e metanan menciona den e reaccion di gabinete di 19 di december 2022 y cu eficacia y legalidad di e gastonan di e medionan mester wordo segura.

E proposicionnan lo wordo evalua pa e Stuurgroep Ministerial di Pasado di Sclavitud riba e condicionnan aki, anteriormente menciona, y despues lo fiha nan. Cu esaki, ta esencial tambe cu e medidanan ta conta cu sosten di descendencia y otronan involvi y cu e ehecucion ta haci cu descendencia y otro involvi na manera estrecho.

**Ministerio di Asunto
Interior y Relacion di
Reino**
DGOBDR
Democratie

Den primavera di 2024, lo informa bo Parlamento mas den detaye tocante e desaroyo di e Areglo pa Iniciativa Social y Intensificacion di Maneho.

Secretario di Estado di Relacion di Reino y Digitalisacion,

Alexandra C. van Huffelen

Datum
15 februari '24

Kenmerk
2024-0000001317

Minister di Asunto Interior y Relacion di Reino,

H.M. de Jonge

Minister di Asunto Exterior

Hanke Bruins Slot